

বাংলাদেশ ফিল্ম অ্যান্ড টেলিভিশন অ্যাকাডেমি (বিএফটিএ) ও এর কোর্স সংক্রান্ত সম্ভাব্য প্রশ্নের উত্তর

## ১. বিএফটিএ কি?

বাংলাদেশ ফিল্ম অ্যান্ড টেলিভিশন অ্যাকাডেমি-এর সংক্ষিপ্ত নাম বিএফটিএ। এটি মূলত একটি বিশেষায়িত অ্যাকাডেমি। যেখানে চলচ্চিত্র ও টেলিভিশনের বিভিন্ন প্রায়োগিক বিষয় যেমন অভিনয় বা অ্যাকটিং, এডিটিং, সিনেমাটোগ্রাফি, ফিল্মমেকিংসহ অন্যান্য বিষয়ের উপর বিভিন্ন মেয়াদের ব্যবহারিক কোর্স পরিচালিত হবে।

## ২. কেন বিএফটিএ?

যে কোন শিল্প মাধ্যমের ক্ষেত্রেই সৃজনশীলতার উৎকর্ষে পৌঁছাতে হলে অ্যাকাডেমিক চর্চার প্রয়োজন। এই প্রয়োজনীয়তা থেকেই বিএফটিএর জন্ম।

বিএফটিএ-এর প্রত্যাশা, বাংলাদেশের চলচ্চিত্র ও টেলিভিশন প্রোডাকশনকে বৈশ্বিক পরিসরে নিয়ে যাওয়া। যেখানে, পৃথিবীর মানুষ বাংলাদেশের নাটক ও চলচ্চিত্র আগ্রহের সাথে দেখবে, বাংলাদেশের অভিনেতারা বিশ্বব্যাপী পরিচিতি পাবেন, বাংলাদেশের অভিনয়শিল্প বিশ্বমানে পৌঁছাবে। চলচ্চিত্র ও টেলিভিশনের বিভিন্ন কারিগরি দিকে অনন্যতা আসবে। সার্বিকভাবে গ্রহণযোগ্য হয়ে উঠবে বাংলাদেশে নির্মিত চলচ্চিত্র ও টেলিভিশন প্রোডাকশন।

এই সকল প্রত্যাশা থেকেই বিএফটিএ কাজ করছে।

## ৩. কোথায় বিএফটিএ? এর অন্য কোন শাখা আছে কী?

বাংলাদেশ ফিল্ম অ্যান্ড টেলিভিশন অ্যাকাডেমি, উত্তরা ১২ নম্বর সেক্টরে অবস্থিত। বিশেষায়িত এই অ্যাকাডেমির আর কোন শাখা নেই।

বাংলাদেশ ফিল্ম অ্যান্ড টেলিভিশন অ্যাকাডেমি

বাড়ি ৯৪, সড়ক ১, সেক্টর ১২

ঢাকা ১২৩০।

## ৪. বিএফটিএ-তে কি কি পড়ানো হবে?

প্রাথমিকভাবে অভিনয় বিষয়ক ৩ মাসের বেসিক ওরিয়েন্টেশন কোর্স দিয়ে বিএফটিএ-এর কার্যক্রম শুরু করছে। পর্যায়ক্রমে অভিনয়ের উপর ৬ মাসের সার্টিফিকেট কোর্স ও ১ বছরের ডিপ্লোমা কোর্স পড়ানো হবে। এছাড়া এ বছরে এডিটিং ও ফিল্মমেকিং-এর উপর ডিপ্লোমা কোর্সও শুরু হবে।

পরবর্তীতে চলচ্চিত্র ও টেলিভিশনের অন্যান্য কারিগরি বিষয় নিয়েও নানা ধরনের কোর্স পরিচালিত হবে।

## ৫. কখন কোর্স শুরু হবে?

অভিনয় বিষয়ক ৩ মাসের বেসিক ওরিয়েন্টেশন কোর্সের প্রথম ব্যাচের শিক্ষা-কার্যক্রম শুরু হবে ২০১৬ সালের জুলাই মাসে। জুলাই ২৯ এ শুরু হয়ে ২৯ অক্টোবর ২০১৬ তে শেষ হবে এই কোর্সটি।

### এছাড়া অন্যান্য কোর্স শুরুর সম্ভাব্য তারিখ:

কোর্স	শুরু
অভিনয়- ৩ মাসের বেসিক ওরিয়েন্টেশন কোর্স(২য় ব্যাচ)	আগস্ট, ২০১৬
অভিনয়- ৬ মাসের সার্টিফিকেট কোর্স	সেপ্টেম্বর, ২০১৬
অভিনয়- ১ বছরের ডিপ্লোমা	সেপ্টেম্বর, ২০১৬
এডিটিং- ৬ মাসের ডিপ্লোমা	আগস্ট, ২০১৬
ফিল্মমেকিং- ১ বছরের ডিপ্লোমা	অক্টোবর, ২০১৬

## ৬. কারা পড়বেন বা প্রশিক্ষণ দেবেন?

প্রতিটি কোর্সের সাথেই যুক্ত থাকবেন সেই কোর্স বা সেই বিষয়ে অভিজ্ঞ জাতীয় ও আন্তর্জাতিক পর্যায়ের শিক্ষকমণ্ডলী। এছাড়া স্ব স্ব ক্ষেত্রে প্রতিষ্ঠিত অভিনয়শিল্পী ও নির্মাতাবৃন্দের সরাসরি তত্ত্বাবধানে কোর্সগুলো পরিচালিত হবে।

## ৭. এই কোর্সের ব্যাপ্তি কতদিন?

অভিনয় বিষয়ক ৩ মাসের বেসিক ওরিয়েন্টেশন কোর্সের প্রথম ব্যাচ জুলাই ২৯ থেকে অক্টোবর ২৯ এই তিনমাসে শেষ হবে। একইভাবে দ্বিতীয় ব্যাচের কার্যক্রমও আগস্ট থেকে পরবর্তী তিন মাসে শেষ হবে।

## ৮. কেমন খরচ?

৩ মাসের এই বেসিক ওরিয়েন্টেশন কোর্সটির জন্য প্রতিটি শিক্ষার্থী মাসে ১২,০০০/- করে ৩ মাসে মোট ৩৬,০০০/- টাকা প্রদান করবেন। উল্লেখ্য এই কোর্সটির জন্য কোন ভর্তি ফি নেই।

## ৯. কখন কখন ক্লাস হবে?

সপ্তাহের শুক্র ও শনিবার দুইদিন করে ১২ সপ্তাহে মোট ২৪ দিনে ৮৪টি সেশনের ক্লাস হবে। শুক্রবার সকাল ৯:৩০ থেকে বিকাল ৬:০০টা পর্যন্ত ৪টি ক্লাস ও শনিবার সকাল ৯:৩০ থেকে ৪:৩০ পর্যন্ত ৩টি ক্লাস হবে।

## ১০. কিভাবে ভর্তি হওয়া যাবে?

প্রথমত, বিএফটিএ-এর কার্যালয় থেকে বা অনলাইনে বিএফটিএ-এর ওয়েবসাইট (<http://bfta.edu.bd/>) এ গিয়ে ভর্তি ফরম সংগ্রহ করা যাবে। ফরম সংগ্রহের পর যথাযথভাবে পূরণ করে উত্তরার ১২নং সেক্টরে অ্যাকাডেমির কার্যালয়ে জমা দিতে হবে।

জমাকৃত ফরমগুলো থেকে অ্যাকাডেমি কর্তৃপক্ষ শিক্ষার্থীদের নির্বাচন করবেন। নির্বাচিতদের টেলিফোনে জানানো হবে এবং ভর্তি কার্যক্রমের বাকি কাজ সম্পন্ন করা হবে।

## ১১. কি কি যোগ্যতা থাকতে হবে?

৩ মাসের বেসিক ওরিয়েন্টেশন কোর্স এ ভর্তির জন্য প্রথমত অভিনয় বিষয়ে জানার আগ্রহ থাকতে হবে। বিএফটিএ-তে কোন কোর্সের ক্ষেত্রেই কোন বয়সসীমার বাধ্যবাধকতা নেই। অভিনয়ের কোর্সগুলোতে যে কোন বয়সের শিক্ষার্থীদেরই অংশগ্রহণের সুযোগ রয়েছে, তবে এই কোর্সের জন্য ন্যূনতম বয়সসীমা কমপক্ষে ১৬ বছর। একইভাবে শিক্ষাগত যোগ্যতা বিষয়েও কোন বাধ্যবাধকতা নেই তবে শিক্ষা গ্রহণের সক্ষমতার কথা বিবেচনা করে শিক্ষার্থীদের ন্যূনতম শিক্ষাগত যোগ্যতা এসএসসি অথবা ও-লেভেল রাখা হয়েছে।

## ১২. ভর্তির শেষ তারিখ কবে?

৩ মাসের বেসিক ওরিয়েন্টেশন কোর্সের প্রথম ব্যাচের ভর্তির শেষ তারিখ ২৫ জুলাই, ২০১৬ তবে প্রয়োজনে সময় বর্ধিত করা হতে পারে।

## ১৩. ভর্তি ফরম পূরণ করতে কি কি লাগবে?

<http://bfta.edu.bd/> বা বিএফটিএ থেকে ভর্তি ফরম সংগ্রহ করার পর ফরম পূরণ করতে যা যা লাগবে সেগুলো হলো:

সদ্যতোলা দুইকপি পাসপোর্ট সাইজের ছবি (ভর্তি ফরমের সাথে একটি সংযুক্ত করতে হবে), জাতীয় পরিচয়পত্র বা পাসপোর্টের ফটোকপি, সার্টিফিকেটের ফটোকপি, ইত্যাদি।

## ১৪. তিনমাসের কোর্স করে কি হবে?

অভিনয় বিষয়ক প্রাথমিক সব বিষয়গুলো সম্পর্কে ধারণা পাওয়া যাবে। বাংলাদেশের চলচ্চিত্র ও টেলিভিশনের স্বনামধন্য নির্মাতা ও অভিনেতাদের সরাসরি তত্ত্বাবধানে একজন অভিনেতা হিসাবে নিজেকে তৈরি করার সব ধরনের প্রস্তুতিমূলক কার্যকলাপের বিস্তারিত জানা যাবে। এছাড়া

ক. যারা সংবাদ পাঠ বা উপস্থাপনায় আগ্রহী কিংবা যারা বিজ্ঞাপনচিত্রে কাজ করতে চান তাদের জন্য কোর্সটি সহায়ক ভূমিকা রাখবে।

খ. যারা অভিনয়কে পেশা হিসাবে নিতে চান তারা এই কোর্সটির মাধ্যমে বুঝতে পারবেন অভিনয় পেশাটি সম্পর্কে, বুঝতে পারবেন অভিনয়ে ক্যারিয়ার অপারচুনিটি কতখানি। আগ্রহীরা অভিনয়ের প্রাথমিক পাঠ পাবেন, যারা ভবিষ্যতে অভিনয়কে পেশা হিসেবে নিতে চান তাদের কি কি করতে হবে সেই দিক নির্দেশনাও পাবেন এই কোর্সটি থেকে।

গ. এসব ছাড়াও যারা কর্মক্ষেত্রে বা ব্যক্তিগতভাবে নিজেকে সমৃদ্ধ করতে চান তাদের জন্যও এই কোর্সটি হবে সহায়ক ও উপভোগ্য।

## ১৫. অন্যান্য কোর্সগুলো কেমন?

৩ মাসের বেসিক ওরিয়েন্টেশন কোর্স ছাড়া অভিনয় বিষয়ক অন্যান্য কোর্স যেমন ৬ মাসের সার্টিফিকেট কোর্স বা ১ বছরের ডিপ্লোমা কোর্স অনেক বেশি বিস্তৃত। যেখানে শিক্ষার্থীরা গভীরভাবে অভিনয় বিষয়ে পাঠ নেবেন এবং টেলিভিশন ও ফিল্মের উপর বিভিন্ন ধরনের ব্যবহারিক ক্লাস ও প্রোডাকশনের সাথে যুক্ত হবার সুযোগ পাবেন। একইভাবে এডিটিংয়ের উপর ৬ মাসের ডিপ্লোমা এবং ফিল্মমেকিংয়ের উপর ১ বছরের ডিপ্লোমাও অনেক বেশি প্রায়োগিক। এককথায় বলতে গেলে বিএফটিএ-এর সকল কোর্সেই ব্যবহারিক ও প্রায়োগিক দিকটাই বেশি। শিক্ষার্থীরা একটি চলচ্চিত্র বা টেলিভিশন প্রোডাকশনের প্রি-প্রোডাকশন, প্রোডাকশন ও পোস্ট-প্রোডাকশনের সবকয়টি ধাপ সম্পর্কে হাতে কলমে শিক্ষা লাভ করবেন।

## ১৬. তিন মাসেই কি অভিনয় শেখা যাবে?

একজন অভিনয়শিল্পী সারাজীবন ধরেই অভিনয় বিষয়ক শিক্ষা লাভ করে থাকেন। তিন মাসের বেসিক ওরিয়েন্টেশন কোর্সটি একেবারেই অভিনয়ের প্রাথমিক পাঠ। অভিনয়ে আগ্রহীরা অনেক সময় বিভ্রান্ত থাকেন। কি করবেন, কিভাবে করবেন, কার কাছে যাবেন, কোথায় গেলে পরবর্তীতে একজন অভিনয়শিল্পী হিসেবে নিজেকে প্রতিষ্ঠিত করতে পারবেন এসব নিয়ে। আবার অনেকে আছেন, যারা পেশা হিসাবে অভিনয়কে বেছে নিতে চান কিন্তু কিভাবে একজন পেশাদার অভিনয় শিল্পী হয়ে উঠতে তা জানেন না তাদের সকলের জন্যই এই কোর্সটির পরিকল্পনা করা হয়েছে।